



MEMORIA XUSTIFICATIVA E ECONOMICA DA S.A. DE XESTION DO PLAN XACOBEO RELATIVA AO CONVENIO DE COLABORACIÓN COA COFRADÍA DE SANTIAGO DE MADRID

PRIMEIRO.-

1.- Constitúe o obxecto da Sociedade, entre outras as seguintes actividades

- As relacións coas asociacións de amigos do Camiño de Santiago.
- A coordinación de actuacións específicas relacionadas coa cultura xacobeá, en especial, as exposicións, así como a execución das encomendas de xestión que se poidan realizar nestas materias.

A S. A. de Xestión do Plan Xacobeo considera esencial e imprescindible o labor das Asociacións de Amigos do Camiño de Santiago en orde a potenciar os itinerarios xacobeos, a información aos peregrinos, os programas de voluntariado como hospitaleiros nos albergues, a promoción da cultura xacobeá e todo aquilo que redunde en beneficio do Camiño de Santiago e dos peregrinos.

O Camiño de Santiago reúne unha rica experiencia histórica e a vivencia intercultural contemporánea nun excepcional escenario natural, patrimonial e humano. Ao longo dos séculos o Camiño de Santiago consolidou unha amplísima rede de itinerarios que abrangue toda Europa e España e que ten como meta a Catedral de Santiago de Compostela, en definitiva Galicia.

Esta a Asociación Camiños a Santiago pola Ribeira Sacra ten entre os seus fins:

- O estudo e divulgación do Camiño Sur
- A análise e promoción dos recursos artísticos, históricos e culturais da zona por onde transcorre o Camiño
- A defensa desta ruta como alternativa aos camiños máis divulgados e polo tanto máis frecuentados da provincia e o seu recoñecemento como ruta xacobeá

A Cofradía de Santiago Apostol de Madrid ten entre os seus fins:

- Fomentar o culto ao Apóstol Santiago
- Axudar á vida cristiana dos cofrades.
- Dedicarse á evanxelización contemporánea en todos os ámbitos da vida cristiana, segundo a súa natureza e posibilidades, especialmente no Camiño de Santiago.

E desenvolve, entre outras, as seguintes actividades: fomentar la devoción ao Apóstolo; fomentar a peregrinación ao sepulcro do Apóstolo; ofrecer los necesarios elementos de coñecemento e reflexión para a peregrinación; etc.

Para afondar nesta liña de ofrecer aos posibles peregrinos elementos para o coñecemento das rutas a Compostela e as tradicións vinculadas ao Camiño de Santiago



se pretende a edición dun libro titulado “El enigma compostelano”. Esta publicación trata divulgar os fundamentos históricos e tradicionais do culto ao Apóstolo Santiago e do Camiño como ruta de peregrinación ao longo dos séculos. O autor é Alberto Solana de Quesada que posúe un amplo e acreditado coñecemento e traxectoria de investigación en temática xacobeas.

Esta obras difundirase a todos os feligreses, peregrinos e confrades asistentes ás actividades e reunións da Confraría no transcurso de 2016 para difundir o coñecemento dos antecedentes da nosa historia e das nosas raíces, fonte de tan numeroso caudal de peregrinos á Cidade de Santiago de Compostela e ao Finisterre galego.

A colaboración iniciada no ano 1992 pola S.A. de Xestión do Plan Xacobeo para a difusión das rutas xacobeas coas Asociacións de Amigos do Camiño de Santiago, instaladas tanto dentro coma fóra do territorio galego converteuse, co paso dos anos, nunha ferramenta imprescindible para fomentar a chegada de peregrinos que, á súa vez, impulsan o desenvolvemento económico e social de Galicia. Estas entidades son as principais prescriptoras e informadoras dos futuros peregrinos, distribuíndo cada ano, nos cinco continentes, milleiros de credenciais, folletos informativos, etc., que teñen en todos os casos a Galicia como meta. Como é fácil comprobar en decenas de webs e redes sociais realizan estas accións sen custe para a nosa Comunidade Autónoma, maila concentrarse aquí os tramos finais de todas as vías xacobeas e a meta das mesmas.

Manter esta colaboración coas Asociacións do exterior de Galicia é fundamental para asegurar o fluxo de peregrinos xa que o espazo físico do Camiño, tanto na historia como no presente, ten unha dimensión que transcende o ámbito galego, español e europeo. Así queda acreditado no número de peregrinos que cada ano acoden a Compostela.

Por todo o descrito, as referidas actuacións que se desenvolverán dentro do ámbito de vixencia deste Convenio, encaixan no marco das relacións coas Asociacións de Amigos do Camiño de Santiago que ten encomendadas esta Sociedade Anónima, non sendo posible promover a concorrència pública, dada a especificidade do programa e a natureza da Asociación única no seu ámbito territorial.

Ademais este convenio cumpre cos criterios obxectivos de selección sinalados no Plan Estratéxico, en concreto:

a/ criterios xerais

- É un proxecto tecnicamente completo, pois a documentación que se achega xustifica suficientemente a súa formulación.
- O proxecto é viable, tanto en termos de execución económica como social.
- Realízase a difusión e promoción do Camiño de Santiago

- Se contempla a difusión dos resultados acadados ante a opinión pública, contribuíndo deste xeito ao labor de sensibilización ao redor do Camiño de Santiago.
- O apoio a esta Confraría redunda de maneira efectiva na conservación, recuperación e difusión do Camiño de Santiago e da cultura xacobeá especialmente na Comunidade Autónoma de Madrid de onde proceden un dos principais fluxos de peregrinos.

b/ criterios específicos:

- A Confraría de Santiago de Madrid posúe un número socios en torno ás 200 de persoas espalladas por ese territorio.
- A implantación da Asociación na cidade de Madrid está moi consolidada. O seu labor de promoción do Camiño nese territorio é amplamente recoñecido.
- Esta Confraría co seu amplo labor e coas súas numerosas actividades contribúe notablemente á dinamización da cultura xacobeá e da peregrinación en Madrid, un dos principais lugares de procedencia de peregrinos
- A edición desta obra contribúe a afondar na difusión dos valores do Camiño de Santiago e a peregrinación xacobeá.

O orzamento da actividade a financiar ao abeiro deste convenio é o seguinte:

Concepto	Importe
Costes das ilustracións: 14 debuxos exclusivos de Francisco Solé	875,00
Desño e maquetación do libro que terá 128 pax cun formato 24x17 cm e contará con 38 imaxes en color	1.200,00
Impresión 700 exemplares do libro “El enigma Compostelano”, xestión depósito legal e ISBN	2.337,84
Total	4.412,84

A S.A. de Xestión do Plan Xacobeo aboará a cantidade de 3.000 euros coa finalidade de ser atendidos parte dos gastos xerados con cargo aos orzamentos do ano 2016 e na conta contable 627 que se distribuirán segundo o exposto anteriormente. A achega so cubrirá o custe para o desenvolvemento das actividades sen que a Asociación poida obter beneficio algún polo mesmo.

A través deste convenio de colaboración establécese unha achega monetaria sen contraprestación da S.A de Xestión do Plan Xacobeo, o que se axusta á figura xurídica privada da doazón modal e que debe suxeitar aos principios de xestión contidos no artigo 5.2 e aos de información a que fai referencia o artigo 16, ao abeiro do disposto no artigo 3.2 da Lei 9/2007, do 13 de xuño, de subvencións de Galicia.

Así mesmo, e como quedou exposto máis arriba, a subscripción deste convenio e a achega que con él se obriga a realizar a S.A. de Xestión do Plan Xacobeo garda relación directa co obxecto da actividade contido nos seus estatutos.

En Santiago a 10 de outubro de 2016

Rafael Sánchez Bargiela
Director-Xerente